

## მოწვევა ინტერესის გამოსახატავად

საქართველო

აღმოსავლეთ-დასავლეთის ავტომაგისტრალის (ხევი-უბისას მონაკვეთი) გაუმჯობესების პროექტი

სესხის # 3715-GEO

დავალების სახელწოდება: ადგილობრივი კონსულტანტის შერჩევა მცირე მეწარმეებისთვის მეწარმეობისა და ცხოვრების ხარისხის გაუმჯობესების ტრენინგების განსახორციელებლად  
საიდენტიფიკაციო # KUPR/CS/CQS-02

საქართველომ აზიის განვითარების ბანკისგან მიიღო დაფინანსება აღმოსავლეთ-დასავლეთის ჩქაროსნული ავტომაგისტრალის (ხევი-უბისას მონაკვეთი) გაუმჯობესების პროექტის განხორციელებისთვის. აღნიშნული დაფინანსების გარკვეული ნაწილი გამოყენებული იქნება პროექტის ფარგლებში შესასყიდი საქონლის, სამუშაოების და საკონსულტაციო მომსახურების ხარჯების ასანაზღაურებლად.

საქართველოს რეგიონული განვითარების და ინფრასტრუქტურის სამინისტროს სახელმწიფო საქვეუწყებო დაწესებულება – საქართველოს საავტომობილო გზების დეპარტამენტი იწვევს უფლებამოსილ საკონსულტაციო კომპანიებს/ორგანიზაციებს (შემდგომში კონსულტანტებს) ინტერესის გამოსახატად შემდეგი მომსახურების გასაწევად: ადგილობრივი კონსულტანტის შერჩევა მცირე მეწარმეებისთვის მეწარმეობისა და ცხოვრების ხარისხის გაუმჯობესების ტრენინგების განსახორციელებლად.

**დავალების მიზანი:** მეწარმეობისა და ცხოვრების ხარისხის გაუმჯობესების ტრენინგის პროგრამის მიზანია, ავტომაგისტრალის მშენებლობის პროექტების მიმდებარე თემებიდან/სოფლებიდან ამჟამინდელი ან პოტენციური ქალი და კაცი (მცირე) მეწარმეების მხარდაჭერა, ინდივიდუალური მეწარმეობის ან მცირე ბიზნესის განვითარების კუთხით. ტრენინგი ორიენტირებული იქნება მეწარმეობის უნარების განვითარებაზე, მათი შესაძლებლობების გაძლიერებაზე; ტრენინგი დაფარავს ისეთ საკითხებს, როგორცაა ბიზნესის წამოწყება ან განვითარება, ადგილობრივი პროდუქტის პოტენციალის იდენტიფიცირება, ბაზართან დაკავშირება, საწარმოს მართვა, პროდუქციის განვითარება, შეფუთვა, მარკეტინგი და სხვა დაკავშირებული საკითხები. ტრენინგი დაიგეგმება ბაზრის კვლევის შედეგების საფუძველზე, რომელიც ჩატარდა აღმოსავლეთ-დასავლეთის ავტომაგისტრალის (ხევი-უბისას მონაკვეთი) გაუმჯობესების პროექტის ფარგლებში.

კონსულტანტი პასუხისმგებელი იქნება 5 ტიპის ტრენინგის ჩატარებაზე. F4 პროექტისთვის (აღმოსავლეთ-დასავლეთის ავტომაგისტრალის (შორაპანი - არგვეთას მონაკვეთი) გაუმჯობესების პროექტს) კონსულტანტი მოაწყობს 3 ტრენინგს საწარმოს მართვაზე, პროდუქტის განვითარებაზე, შეფუთვაზე, მარკეტინგზე, გზის მიმდებარე თემებიდან/სოფლებიდან ამჟამინდელი და პოტენციური მამრობითი და მდედრობითი სქესის (მცირე) მეწარმეებისთვის, მინიმუმ 100 ქალისა და კაცის მონაწილეობით (მათ შორის მინიმუმ 50% ქალების ჩართულობით). კონსულტანტი ასევე პასუხისმგებელი იქნება F2

პროექტისთვის (აღმოსავლეთ-დასავლეთის ავტომაგისტრალის (ხევი-უბისას მონაკვეთი) გაუმჯობესების პროექტი) 2 ტიპის ცხოვრების ხარისხის გაუმჯობესების და ბიზნესის განვითარების ტრენინგების ჩატარებაზე, გზის მშენებლობის მიმდებარე თემების/სოფლების მცხოვრებთა მონაწილეობით (მინიმუმ 100 ქალისა და კაცის მონაწილეობით, მათ შორის მინიმუმ 50% ქალების ჩართულობით), რათა ადგილობრივებმა პროექტისგან მაქსიმალური სარგებელი მიიღონ. კონსულტანტი ასევე პასუხისმგებელი იქნება წინასწარი და ტრენინგის შემდგომი ტესტების მომზადებასა და ჩატარებაზე ყოველი ტრენინგის წინ და შემდგომ.

**საკვალიფიკაციო მოთხოვნები:** საკონსულტაციო კომპანიას/ორგანიზაციას უნდა ქონდეს შემდგომი კვალიფიკაცია:

- სასურველია 5 წლიანი შესაბამისი გამოცდილება ტრენინგ-პროგრამების ჩატარებაში შესაძლებლობების გაძლიერების, მენტორობის კუთხით (რომელიც მოიცავდა ცხოვრების ხარისხის გაუმჯობესებას, მცირე ბიზნესის მენეჯმენტს გენდერული თავისებურებების გათვალისწინებით და ა.შ.);
- დადასტურებული გამოცდილება გენდერულად მგრძობიარე ტრენინგის მოდულების, ინსტრუმენტების, ანგარიშების, ტრენინგების და ა.შ. შემუშავების კუთხით;
- კვალიფიციური პერსონალის, მატერიალური ბაზის და ინსტრუმენტების მობილიზების შესაძლებლობა ქალი და კაცი მეწარმეებისთვის ტრენინგებისა და მენტორობის სესიების ჩასატარებლად. პერსონალის მიერ მცირე მეწარმეობის და ცხოვრების ხარისხის გაუმჯობესების შესახებ სიღრმისეული ცოდნა;
- ტრენინგების დაგეგმვის და განხორციელების გამოცდილების გამოცდილება, რომელიც მოიცავს გენდერული თანასწორობისა და ქალთა გაძლიერების საკითხებს;
- ქალი მეწარმეებისა და ქალების საკუთრებაში მყოფი საწარმოების შესახებ ინფორმირებულობა;
- განხორციელებული საქმიანობის შესახებ დეტალური ანგარიშების ინგლისურ ენაზე მომზადების გამოცდილება; და
- გენდერული თანასწორობის საკითხებზე და/ან ქალთა ეკონომიკურ გაძლიერებაზე მუშაობის გამოცდილება ჩაითვლება უპირატესობად;

დავალების ხანგრძლივობა შეადგენს 6 თვეს.

შერჩევა განხორციელდება კონსულტანტის კვალიფიკაციის საფუძველზე შერჩევის მეთოდის გამოყენებით აზიის განვითარების ბანკის შესყიდვების რეგულაციების თანახმად, რომელიც განთავსებულია ვებ-გვერდზე: <https://www.adb.org/sites/default/files/procurement-regulations-adb-borrowers.pdf>

ინტერესის გამოხატვა წარმოდგენილი უნდა იქნას ინგლისურ ენაზე აზიის განვითარების ბანკის ვებ-გვერდის გამოყენებით:

[https://selfservice.adb.org/OA\\_HTML/adb/xxcrs/jsp/ADBCsrnFwd.jsp?sel=186521](https://selfservice.adb.org/OA_HTML/adb/xxcrs/jsp/ADBCsrnFwd.jsp?sel=186521)

დაინტერესებულ პირებს ინტერესის გამოხატვა შეუძლიათ მოცემული ბმულის მეშვეობით **2023 წლის 6 აპრილამდე**.